


# IBhayibheli LaBantwana Likulethela



Elisha, Indoda  
Yezimangaliso



Ibhalwe ngu: Edward Hughes

Kwabonakala ngu: Lazarus; Alastair P.

Ifanekiswe ngu: Ruth Klassen

Itolikwe ngu: Goodwill Sithembiso Gwala

Ikhizwe ngu: Bible for Children

[www.M1914.org](http://www.M1914.org)

©2023 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.




Zazingekho izinkabi ezanele ukudonsa igeja.  
Kwakudingeka enya futhi. Lokho akuzange kumvimbe  
umlimi osemusha okuthiwa  
u-Elisha! Wamane  
wazihlanganisa nezinkabi,  
wathatha indawo yeshodayo.  
Kumelwe ukuba  
wayeyindoda  
enamandla,



Ehlakaniphile  
esebenza kanzima.






Njengoba u-Elisha elima,  
umprofethi kaNkulunkulu  
u-Eliya wadlula wambiza.  
Insizwa yashiya ipulazi  
layo ukuze ibe inceku  
kaNkulunkulu. Ngolunye  
usuku, uNkulunkulu  
wathatha u-Eliya wamyisa  
ezulwini

ngesivunguvungu.  
Manje u-Elisha  
wayengumprofethi  
kaNkulunkulu  
ku-Israyeli.





Nakuba u-Elisha wayedabukile  
ngoba u-Eliya wayengasekho,  
wathandaza kuNkulunkulu ukuba  
amnikeze amandla afana naka-Eliya.  
U-Elisha wathatha ingubo  
ka-Eliya, washaya amanzi

omfula njengo-Eliya.  
Amanzi ahlukana  
phakathi! Manje  
u-Elisha wazi ukuthi  
uNkulunkulu  
wayenaye.





Kwathi u-Elisha eya emzini othiwa iBethele, abanye abasha bamklolodela, bememeza bethi: "Yenyuka, mpandlandini!" Babengenandaba nokuthi u-Elisha wayeyinceku kaNkulunkulu. Kwenzeka into eshaqisayo kubo. Kwaphuma amabhele amabili esifazane ehlathini, adwengula abafana abangamashumi amane nambili.



Ngelinye  
ilanga u-Elisha  
wahlangana  
nomfelokazi  
owayekweleta  
imali

ayengenakuyikhokha. Ukuze  
athole imali, umbolekisi wakhe  
wayezothatha

amadodana omfelokazi  
amabili abe yizigqila.

"Hamba uyoboleka  
izitsha kubo


bonke omakhelwane  
bakho... izitsha

ezingenalutho,"  
kusho u-Elisha.


UNkulunkulu

wayezokwenza into  
emangalisayo

kuleyo ntokazi.




Umfelokazi wayenembiza  
encane yamafutha endlini.  
Kodwa kuleyombiza encane  
wathela amafutha okwanele  
ukuba agcwalise zonke lezo  
zitsha! Ukube babenabo  
obhavu ngalezo zinsuku,  
ucabanga ukuthi uNkulunkulu  
wayeyobagcwalisa nabo?  
Umfelokazi wathengisa  
amafutha wasindisa  
amadodana akhe.





Enye inkosikazi  
nomyeni wayo benza  
ikamelo elikhethekile  
emzini wabo ukuze  
u-Elisha ahlale lapho  
lapho edlula.  
Ekamelweni  
babeke  
umbhede,  
itafula, isihlalo  
nothi lwesibani. Lelo  
kamelo laligcinelwe  
u-Elisha.



U-Elisha wayezibuza ukuthi wayezowubuyisela kanjani umusa walo mbhangqwana. Lapho izwa ukuthi abanabantwana, yasho into le ntokazi eyanyingayikholwa. "Ngalesi sikhathi ngonyaka ozayo, uzogona indodana." Impela, ngemva konyaka, umntwana wazalwa.



Ngemva kweminyaka ethile yona le ngane yayisensimini noyise. "Ikhanda lami, ikhanda lami", akhale umfana. Lapho beletha umfana kunina, wahlala emadolweni akhe kwaze kwasemini, wafa. Umama walalisa umfana phezu kombhede

ekamelweni lika-Elisha. Ucabanga ukuthi ubani ongamsiza?



Uthi u-Elisha? Ushaye khona! Wabophela imbongolo wahamba ngesivinini esikhulu ukuze amthole.

U-Elisha wafika endlini yakhe, wakhuphukela yedwa endlini ephezulu, wakhuleka kuJehova. UNkulunkulu

wamvusa umfana.

U-Elisha wabiza inkosikazi,

wathi:

"Thatha indodana yakho."



Yeka indlela okumelwe ukuba wayejabule ngayo!





Ezweni eliseduze  
laseSiriya kwakuhlala  
induna yebutho  
uNahamani.


Wayenesibindi futhi  
enamandla, kodwa  
wayenesifo esibi  
kakhulu sesikhumba  
esibizwa ngokuthi  
uchoko.



UmkaNahamani  
wayenencekukazi encane  
eyayithunjwe kwa-Israyeli.  
Le ntombazanyana yathi,  
"Akuba uNahamani ube  
nomprofethi wakwa-Israyeli,  
ngokuba ubeyakumphulukisa  
ochokweni lwakhe."




UNahamani wasuka lapho wayobona umprofethi. Wathatha isiliva, igolide, nezingubo ezinhle njengezipho.




Inceku ka-Elisha yaphuma yathi, "Hamba uyegeza kasikhombisa emfuleni iJordani futhi uzohlambuluka."

UNahamani wathukuthela. Wayengakwazi yini ukugeza emifuleni ehlanzekile yezwe lakubo, eSiriya? Ngokucasuka waphenduka waqonda ekhaya.








Ngenhlanhla uNahamani,  
izinceku zakhe zamtshela  
ukuba alalele umyalo  
ka-Elisha. Ngakho  
uNahamani wehla  
wacwila eJordani  
kasikhombisa.

UNahamani onochoko  
welapheka! UNahamani  
wakhuleka kuNkulunkulu  
weqiniso, uNkulunkulu  
ka-Elisha, uJehova  
owayemphulukise

ochokweni.





UNkulunkulu wasebenzisa inceku yakhe u-Elisha ngisho nangemva kokufa kwakhe. Ngolunye usuku, indoda yangcwatshwa emhumeni u-Elisha ayengcwatshwe kuwo kudala. Lapho isidumbu sale ndoda sithinta amathambo omprofethi, lo muntu waphila futhi wema ngezinyawo zakhe. Ngempela, uNkulunkulu wabonisa amandla akhe amakhulu ngenceku yakhe ethembekile, u-Elisha.



Elisha, Indoda Yezimangaliso

Indaba evela kwiZwi laNkulunkulu, iBhayibheli,


Itholakala

2 AmaKhosi 2-13

“Ukwambulwa kwaMazwi Akho kuyakhanyisa.”

AmaHubo 119:130





Yaphela



25



60



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu:  
Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

